



UZTELECOM

“ЎЗБЕКТЕЛЕКОМ”
Акциядорлик компаниясининг
2024 йил учун
БИЗНЕС-РЕЖАСИ

Тошкент 2023

1. “ЎЗБЕКТЕЛЕКОМ” АКНИНГ 2024 ЙИЛДА КЎЗЛАНГАН АСОСИЙ МАҚСАДИ

“Ўзбектелеком” АК (Компания)нинг 2024 йил бизнес-режаси:

Ўзбекистон Республикаси Президентининг 28.12.2022 йилдаги Ўзбекистон Республикаси Президентининг 2023-2025 йилларга мўлжалланган инвестиция дастурини амалга ошириш чора-тадбирлари тўғрисида”ги ПҚ-459-сон қарори;

Ўзбекистон Республикаси Президентининг 28.01.2022 йилдаги “2022-2026 йилларга мўлжалланган янги Ўзбекистоннинг тараққиёт стратегияси тўғрисида”ги ПФ-60-сон фармойиши;

Ўзбекистон Республикаси Президентининг 7.10.2020 йилдаги “Давлат иштирокидаги корхоналарни ислоҳ қилишни жадаллаштириш ҳамда давлат активларини хусусийлаштиришга оид чора-тадбирлар тўғрисида”ги ПФ-6096-сон фармойиши;

Ўзбекистон Республикаси Президентининг 2020 йил 5 октябрдаги “Рақамли Ўзбекистон — 2030” стратегиясини тасдиқлаш ва уни самарали амалга ошириш чора-тадбирлари тўғрисида” ПФ-6079-сон фармони;

Ўзбекистон Республикаси Президентининг 2020 йил 28 апрелдаги “Рақамли иқтисодиёт ва электрон ҳукуматни кенг жорий этиш чора-тадбирлари тўғрисида”ги ПҚ-4699-сон қарори;


“Ўзбектелеком” АКнинг “2020-2030 йиллардаги ривожлантириш стратегияси” асосида ишлаб чиқилди.

Компания охириги йиллар давомида мунтазам равишда телекоммуникация ускуналари ва алоқа магистрал линиялари асосий қисмини модернизациялаштириб, ўз тармоғи технологик имкониятларини жиддий мустаҳкамлаб, овозли ва пакетли коммутация халқаро боғламаларини модернизациялаштириш ва имкониятларини кенгайтириш ишларини амалга ошириб келмоқда. Буларнинг барчаси, сўзсиз Компаниянинг республикада кучли инфратузилмали алоқа оператори мавқеини сақлаб қолиш ва мустаҳкамлашга имкон бермоқда.

Компаниянинг мазкур 2024 йил бизнес режасида кўзланган мақсад ва вазифалари қуйидагилардан иборат:

1) телекоммуникация хизматлари бозорининг барча сегментларида етакчи ўринларга чиқиш ва мобил алоқа хизматлари бозорида ўз ўрнини мустаҳкамлаш, мижозлар (юридик ва жисмоний шахслар, давлат бошқарув органлари ва бошқалар)нинг телекоммуникация хизматларига бўлган талабларини тўлиқ қондириш ва Компания рақобатбардошлигини ошириш;

2) кўрсатилаётган хизматлар сифатини янада ошириш ва барқарорлигини таъминлаш, янги хизмат кўрсатиш форматини жорий этиш;



3) даромадларнинг барқарор ўсишини таъминлаш ва соф фойда миқдорини янада ошириш;

4) аҳолининг Интернет ва мобил хизматларга бўлган талабини қондириш, Интернет хизматлари тезлигини ва сифатини ошириш, нархини камайтириш, халқаро интернет трафигини маҳаллийлаштириш (локализация) чораларини кўриш;

5) Республикада ахборот-коммуникация технологияларни янада ривожлантириш мақсадида маҳаллий операторлар билан самарали ҳамкорликда ишларни ташкил этиш;

6) Компания телекоммуникация тармоғини барқарор ривожлантириш ва янги технологияларни жорий этиш мақсадида бир қатор лойиҳаларни амалга ошириш.

Ушбу мақсадларга эришиш учун Компания ўз олдига қуйидаги чоратadbирларни амалга оширилишини белгилаб қўйган:

- телекоммуникация тармоқларини ва линия кабел хўжалигини техник меъёрга келтириш, телекоммуникация қурилмаларини узлуксиз ва барқарор ишлашини таъминлаш бўйича дизел генераторлар ва муқобил электр таъминоти қурилмаларини ўрнатиш;

- Компаниянинг тариф сиёсатида янги истеъмолчиларни жалб этиш ва телекоммуникация хизматлардан фойдаланаётган доимий истеъмолчилар билан ўзаро манфаат асосидаги муносабатларни мустаҳкамлаш чоралари амалга оширилиш ва жозибадор тариф сиёсатини жорий этиш;

- Компания экспорт салоҳиятини ошириш йўналиши бўйича хорижий операторлар билан ўзаро манфаатли муносабатларни ўрнатиш, мавжуд халқаро ўтиш нуқталарининг ўтказувчанлик қувватини янада ошириш ва уларни заҳиралаш орқали Ўзбекистон Республикаси орқали ўтадиган халқаро транзит каналлари сони ва ҳажмини ошириш, кирувчи халқаро телефон трафиги ҳажмини сақлаб қолиш ва кўпайтириш чораларини кўриш ҳамда улар учун белгиланган ҳисоб-таксалар миқдорини қайта кўриб чиқиш орқали даромадларни кўпайтириш мақсад қилиб олинган.

Компаниянинг 2024 йил Бизнес-режасида инобатга олинган вазифалардан келиб чиқиб, асосий кўрсаткичларнинг эришилишида Ҳукумат томонидан белгиланган иқтисодий дастурларнинг энг муҳим устувор йўналишларини амалга ошириш ва юқори иқтисодий ўсиш суръатларини сақлашни таъминлаш муҳим омил қилиб олинган.



2. “ЎЗБЕКТЕЛЕКОМ” АК ТЎҒРИСИДА МАЪЛУМОТ

2.1. “Ўзбектелеком” АК ташкил топиши

“Ўзбектелеком” акциядорлик компанияси Ўзбекистон Республикаси Президентининг 2000 йил 28 июндаги “Телекоммуникациялар соҳасида бошқарувни такомиллаштиришга доир чора-тадбирлар тўғрисида”ги ПФ-2647-сон Фармони ва Вазирлар Маҳкамасининг 2000 йил 30 июндаги “Ўзбектелеком” акциядорлик компанияси фаолиятини ташкил этиш масалалари тўғрисида”ги 253-сон Қарорига асосан “Маҳаллий Телеком” ва “Халқаро Телеком” акциядорлик жамиятларининг қўшилиши натижасида “Ўзбектелеком” акциядорлик компанияси ташкил топган.

“Ўзбектелеком” АК таркибига кирувчи компанияларни филиаллар сифатида бирлаштириш йўли билан акциядорлик жамиятларини қайта ташкил қилиш (холдинг тузилмасидан операторлик компаниясига айлантириш). Ўзбекистон Республикаси Вазирлар Маҳкамасининг 2001 йил 27 декабрдаги “Ўзбектелеком” АК хусусийлаштиришга тайёрлаш чоралари тўғрисидаги” 488-сон қарори билан “UzNet” шўъба корхонаси “UzNet” маълумот узатиш идоралараро тармоқ барча функциялари ва вазифалари “UzNet” филиали сифатида “Ўзбектелеком” АКга бирлаштирилди.

“Ўзбектелеком” акциядорлик компанияси Ўзбекистон Республикасидаги йетакчи телекоммуникация оператори бўлиб, ўз тармоғи билан бутун республика ҳудудини қамраб олади.

Компания ўзининг замонавий телекоммуникация тармоғидан фойдаланган ҳолда Интернетга кенг полосали уланиш, стационар ва мобил алоқа операторлари ва провайдерлари, уяли алоқа, шунингдек, IPTV, маҳаллий телефон алоқаси ва бир қатор каналларни ижарага бериш хизматларини тақдим этади. У юқори тезликдаги Интернетга уланиш, мобил алоқа, маълумотларни сақлаш ва қайта ишлаш бўйича Ўзбекистон бозорида етакчи ўринни эгаллайди.

Кадрлар салоҳияти кўламини тасаввур қиладиган бўлсак, айти пайтда “Ўзбектелеком” АКда 17 мингдан ортиқ ходим меҳнат қилаётганини алоҳида таъкидлаш жоиз. Ҳозирда 19 та филиал фаолият юритади, улардан 14 таси ҳудудий ва 6 таси ихтисослашган. Бундан ташқари, 237 та сотув ва хизмат кўрсатиш офислари, шунингдек, 2076 дан ортиқ дилерлик пунктлари мавжуд. Ушбу таркибий бўлинмаларнинг тўлиқ ишлаши ва ходимларга доимий талабни назарда тутди. Жумладан, 2021-йил давомида Қорақалпоғистон Республикаси, бир нечта вилоятлар, Тошкент ва Нурафшон шаҳарларида умумий 42 та модернизациялаштирилган замонавий Сотув ва хизмат кўрсатиш офислари халқимизга ўз ешиklarини очди. UZTELECOMнинг 25 қаватли офиси ҳам 2022-йил сентябр ойида фойдаланишга топширилди. IT-парк ҳудудида жойлашган “Ўзбектелеком”

АК бош офиси янги HI-Tech услубида бунёд қилинган бўлиб, умумий ер майдони 0,47 гектарни ташкил қилади. Бино ҳудудида Компания ходимлари ва меҳмонлар учун 219 ўринга мўлжалланган автотурагаргоҳ ҳам мавжуд. Қайд этиш керакки, 2022-йил кўрсаткичларига кўра хотин-қизлар бандлигини таъминлаш бўйича энг юқори кўрсаткич қайд этган ташкилотлар орасида “Ўзбектелеком” АК етакчилик қилмоқда. Айни пайтда Компанияда 4 277 нафар хотин-қизлар самарали фаолият юритмоқда.

UZTELECOM технологик тараққиётга анъанавий тарзда алоҳида эътибор қаратади. Биз Ўзбекистонда абонентларга биринчи бўлиб энг замонавий ечимлар ва алоқа стандартларини таклиф қилади. Хусусан, ўтган йил давомида халқаро ахборот-коммуникация тармоқларига уланиш тезлигини 1800 Гбит/с гача оширилган бўлса, жорий йил ушбу кўрсаткич 3200 Гбит/с га етказилди. Шу билан бирга, 2021-йил давомида 902 та қўшимча база стансиялари ўрнатилиб, уларнинг умумий сони 19 233 тага етказилди.

Ҳозирги кунда “Ўзбектелеком” АК таъсисчилигида “Навоий” эркин иқтисодий зонаси ҳудудида 2 та корхона фаолият юритиб келмоқда – “TELECOM INNOVATION” МЧЖ ва “TELECOM DEVICE PRO” МЧЖ қўшма корхоналари. Заводларда турли хил маҳсулотлар, шу жумладан моноблоклар, CDMA-450 стандартдаги стационар телефон аппаратлари, мобил телефон аппаратлари, GPS навигаторли болалар қўл соатлари, Wi-Fi роутер, электр жиҳозлари (энергия тежамкор кўча ва хона ёритгичлари, розеткалар, ўчиргичлар, қуёш панеллари) ишлаб чиқарилади.

“TELECOM INNOVATION” МЧЖ қўшма корхонасида еса талаб юқори бўлган IPTV Set-TOP-BOX, Home GATWAY қурилмаси, АДСЛ2+модем, Патчкорд ва пигтейллар, DSLAM қурилмаси, SWITCH қурилмаси, ANDROID SMART TV BOX, DVB-T2 SET-TOP-BOX интернет алоқа хизматларида зарур бўлган жиҳозлар кенг миқёсда ишлаб чиқарилмоқда.

“Jizzax” Еркин иқтисодий зонасида жойлашган “Ўзбектелеком” акциядорлик компанияси ҳамкорлигида ташкил этилган “Global Optical Communication Uzbekistan” МЧЖ қўшма корхонаси ҳам фаолият юритади.

2021 йилнинг май ойида Uptime Institute UZTELECOM булутли маълумотлар марказининг лойиҳа ҳужжатларини Tier III даражали таснифлаш билан сертификатдан ўтказди. Шунга кўра мазкур дата марказ ҳозирда Uptime Institute таснифи бўйича Tier III даражали сертификатига эга бўлган Ўзбекистондаги ягона маълумотларни сақлаш ва қайта ишлаш маркази ҳисобланади. Жорий янгиланган конфигурациядаги дата-марказ имкониятлари 36 дан ортиқ телекоммуникация шкафлари, 200 та блейд-серверлар, 6,2 РВ дан ортиқ маълумотларни сақлаш тизими, 100 Гбит/с тезликда маълумотларни узатиш тизими, шунингдек трансформатор қуйи станцияларига ега 2 та мустақил кириш жойларидан иборат. Ушбу булутли дата-маркази бугунги кунда миждозларга “VDC - Virtual Data-markaz”, “VDI

- Virtual Desktop Infrastructure”, “Video-konferensaloqa”, “Colocation”, “Web hosting”, “Булутли видео кузатув” ҳамда бошқа турдаги булутли сервислар ва хизматларнинг тўлиқ спектрини тақдим этмоқда. Ўзтелеком маълумотлар базасида видеоконференцалоқа хизматлари учун қулай универсал платформани таклиф қила олди ва қўшимча қулайлик учун абонентларга 1 ой давомида бепул кириш имкониятини тақдим этди. Яна бир муҳим жиҳат шундаки, ушбу хизмат маҳаллий “Uz-IX” va “TAS-IX” тармоқларида ташкил этилган бўлиб, бу хизматлар сифатига ижобий таъсир кўрсатмоқда.

UZTELECOM телевидения ва кино томоша қилиш учун TelecomTV платформасини тақдим этди. “Ўзбектелеком” АК ҳамкори Apple Inc билан олиб борилган муваффақиятли музокаралар туфайли Ўзбекистонда биринчи марта, iOS 16.4 версиясига янгиланган Apple қурилмалари фойдаланувчилари 5G маълумотлар узатиш тизмини ишга туширди.

БМТ Халқаро электр алоқа иттифоқининг 2021 йилги ҳисоботига кўра, Ўзбекистон кенг полосали мобил интернет нархлари бўйича БМТнинг 2 фоизлик кўрсаткичини бажарган 4 давлат қаторидан муносиб жой олди.

2023-йилнинг май ойи охирида Ўзбекистон Маркетинг ассоциацияси Ўзбекистон Республикаси Монополияга қарши қўмитаси билан биргаликда ўзининг анъанавий “Йил бренди” танлови якунларини сарҳисоб қилди. “Алоқа” номинацияси бўйича “Ўзбектелеком” АК биринчи ўринни эгаллади. 2020 йилда Компания интернет-провайдерлар ўртасида “Йил бренди” номинациясида ҳам ғолиб бўлди. 2021 йилда эса “Ўзбектелеком” АК “ЎЗТЕЛЕКОМга содиқликни қандай ошириш мумкин” лойиҳаси билан “Жамият, жамоалар, содиқлик дастурларини яратиш” номинациясида ТАФ Тошкент реклама фестивалининг олтин медалини қўлга киритди. ЎЗТЕЛЕКОМ 2022 йилнинг “Телекоммуникациялар, интернет” номинацияси бўйича истеъмолчилар ва эксперт ҳайъати танловининг ғолиби бўлди.

Берлинда IX йиллик EUROPE 2022 GCCM конференциясида “Ўзбектелеком” акциядорлик компанияси “МДХ давлатлари орасида энг яхши ривожланаётган минтақавий оператор” номинацияси бўйича мукофот билан тақдирланди. CC-Global Awards (CCGA) бутун дунё бўйлаб йирик алоқа операторлари ва экотизим ҳамкорларининг инновациялари ва ютуқлари учун берилади ҳамда мустақил ҳакамлар ҳайъати – телекоммуникация йўналиши таҳлилчилари ва соҳа мутахассисларидан иборат ҳайъат томонидан баҳоланади. Ўзтелеком “Fastest Mobile Network” (“Eng tezkor mobil tarmoq”) номинацияси бўйича Speedtest Awards 2023 совриндорига айланди.

Ўзбекистонда кенг қўламли телекоммуникация хизматларини тақдим этувчи UZTELECOM operatori Ookla® халқаро компаниясининг 2023 йилнинг 1-2-чораги бўйича “Энг тезкор мобил тармоқ” номинациясида олий мукофотига сазовор бўлди.

2023-йилнинг биринчи ва иккинчи чорагида 144 497 нафар фойдаланувчи ўз қурилмалари орқали Speedtest® хизматидан фойдаланган ҳолда мобил Интернет тезлигини текширган. Шундан сўнг, Ookla® натижаларига кўра, Ўзтелеком ушбу даврдаги юклаб олиш ва юклаш тезлиги бўйича энг яхши натижани кўрсатган, ҳамда энг юқори 36.96 баллга сазовор бўлган. Баҳолаш методологияси билан Speedtest® иловасининг веб-сайтида танишиб чиқиш мумкин.

Эслатиб ўтамиз, 2023 йилнинг баҳорида Ўзтелеком мобил алоқа тармоғини модернизация қилиш бўйича кэнг кўламли лойиҳани ишга туширган бўлиб, унинг доирасида 3000 дан ортиқ мавжуд база станцияларини янгилаш, шунингдек, 2000 та янги база станцияларини ишга тушириш режалаштирилган еди. Лойиҳа доирасида Тошкент ва Самарқандда бешинчи авлод алоқаси ишга туширилди.

Берлинда (Германия) навбатдаги GCCM Europe 2023 конференцияси бўлиб ўтди, унда 100 дан ортиқ халқаро телекоммуникация операторлари иштирок етди, улар орасида Deutsche Telekom, China Mobile International, STC va Telecom Italia Sparkle каби йирик жаҳон компаниялари ҳам бор еди. Шунинг таъкидлаш керакки, ушбу тадбир доирасида “Ўзбектелеком” АК “2023-йил МДХ мамлакатларининг минтақавий оператори” мукофотига сазовор бўлди.

“Ўзбектелеком” акциядорлик компанияси ШХТ Самарқанд саммити доирасида жаҳонда ўз ўрнига эга Хитойнинг телекоммуникация жихозларини ишлаб чиқарувчи икки йирик – ZTE ва Huawei компаниялари билан ҳамкорлик келишуви имзолади. Жумладан, Хитой Халқ Республикаси компаниялари билан республикада телекоммуникация инфратузилмасини янада ривожлантириш бўйича умумий қиймати 500 млн. АҚШ долларида ортиқ 4 та инвестиция лойиҳасини амалга ошириш бўйича келишувга еришилди.

Лойиҳаларни амалга ошириш бўйича – ZTE ва Huawei корпорациялари ҳамда “Ўзбектелеком” АК ўртасида жами 8 та шартнома имзоланди.

Лойиҳаларнинг амалга оширилиш натижасида:

Аҳолининг телекоммуникация хизматларидан фойдаланиш имкониятлари ва қамрови янада кэнгайтирилади;

Кўрсатилаётган хизматлар сифати оширилади;

Халқаро аҳамиятга эга магистрал автомобил йўллари бўйлаб юқори тезликдаги мобил интернет билан тўлиқ қамраб олишга;

Республика бўйлаб темир йўлларида юқори тезликдаги мобил интернет билан тўлиқ қамраб олишга;

Тошкент шаҳрида ва барча вилоятлар марказларида бешинчи авлод 5G стандартидаги таянч база станциялари ўрнатишга;

Маълумотларни узатиш ва магистрал транспорт тармоқларининг ўтказувчанлик қобилияти кэнгайтиришга еришилади.

Самарканд Сити туристик марказида Интернет тезлигининг бир неча маротаба ошиши ҳам юқори еътирофга лойиқ. Саммит доирасида Компания томонидан тақдим этилган тезлик 1000 Мбит/с га юқорилади.

Ўзтелеком мобил абоненти истагида бўлган абонентлар учун мй.гов.уз. ягона интерактив давлат хизматлари портали орқали онлайн ариза ишга туширилди. “Ўзбектелеком” акциядорлик компанияси телекоммуникация соҳасини янада такомиллаштириб рақамли иқтисодиётни ривожлантиришда ўзининг салмоқли ҳиссасини қўшишда давом этади.

2.2. Компаниянинг реквизитлари, устав жамғармаси ва таркибий тузилмаси.

Компаниянинг тўлиқ номи: “Ўзбектелеком” акциядорлик компанияси;

Таъсис этилган йили: 2000 йил;

Лицензиялар:

1. Маҳаллий телекоммуникация тармоқларни лойиҳалаштириш, қуриш, улардан фойдаланиш ва уларга хизматлар кўрсатиш, берилган муддат 21.08.2015 йил, №АА 0005657;

2. Шаҳарлараро телекоммуникация тармоқларни лойиҳалаштириш, қуриш, улардан фойдаланиш ва уларга хизматлар кўрсатиш, берилган муддат 03.11.2015 йил, №АА 0005718;

3. Халқаро телекоммуникация тармоқларни лойиҳалаштириш, қуриш, улардан фойдаланиш ва уларга хизматлар кўрсатиш, берилган муддат 21.08.2015 йил, №АА 0005659;

4. Маълумотлар узатиш тармоқлари лойиҳалаштириш, қуриш, улардан фойдаланиш ва уларга хизматлар кўрсатиш, берилган муддат 21.08.2015 йил, №АА 0005661;

5. Мобил алоқа (уяли) тармоқларни лойиҳалаштириш, қуриш, улардан фойдаланиш ва уларга хизматлар кўрсатиш, берилган муддат 03.11.2015 йил, №АА 0005717;

6. Телерадиоэшиттиришларни тарқатиш (трансляция қилиш) тармоқларини лойиҳалаштириш, қуриш, улардан фойдаланиш ва уларга хизматлар кўрсатиш, берилган муддат 21.08.2015 йил, №АА 0005662.

7. Уй-жой хўжалик қурилиши учун объектлар ва комплекслар лойиҳа-смета ҳужжатларини яратиш, шу жумладан уларнинг муҳандислик тармоқлари ва тизимларини лойиҳалаштириш (берилган вақти 31.01.2017 йил №002166)

Ташкилий – ҳуқуқий шакли: акциядорлик жамияти;

Банк реквизитлари:

Юридик манзил: Ўзбекистон Республикаси, Тошкент шаҳри,
Юнусобод тумани, Амир Темур шоҳ кўчаси, 97 “А”-уй,
тел: (+99871) 239-23-07,
факс: (+99871) 238-01-88,
E-mail: info@uztelecom.uz,
веб-сайт: www.uztelecom.uz;

Компания устав жамғармаси:

Компания Устав фонди (устав капитали) акциядорлар томонидан сотиб олинган Компания акцияларининг номинал қийматидан ташкил топади ва Ўзбекистон Республикасининг миллий валютасида ифодаланади.

Компания Устав фонди 319 682 423 256 (уч юз ўн тўққиз миллиард олти юз саксон икки миллион тўрт юз йигирма уч минг икки юз эллик олти) сўмни ташкил қилади. Бунда:

давлат улуши - 96,44 фоиз ёки 308 298 806 412 (уч юз саккиз миллиард икки юз тўқсон саккиз миллион саккиз юз олти минг тшпт юз ўн икки сўм) сўм (267 156 678 дона акция);

юридик ва жисмоний шахслар улуши - 3,56 фоиз ёки 11 383 616 844 (ўн бир миллиард уч юз саксон уч миллион олти юз ўн олти минг саккиз юз қирқ тўрт) сўм (9 864 486 дона акция).

Компания акцияларининг номинал қиймати 1 154 (бир минг бир юз эллик тўрт) сўм.

Компания Устав фонди 277 021 164 (икки юз етмиш етти миллион йигирма бир минг бир юз олтмиш тўрт) дона хужжатсиз акцияларга бўлинган, шундан 267 156 678 (икки юз олтмиш етти миллион бир юз эллик олти минг олти юз етмиш саккиз) дона эгаси ёзилган оддий ва 9 864 486 (тўққиз миллион саккиз юз олтмиш тўрт минг тўрт юз саксон олти) дона эгаси ёзилган имтиёзли акцияларни ташкил қилади.

2.3. “Ўзбектелеком”АКнинг асосий фаолияти

Компания ўз тармоғи билан республикамизннг барча ҳудудларини камраб олган Ўзбекистон Республикасида энг йирик телекоммуникация оператори.

Бугунги кунда Компания етакчи миллий оператор эканлигини ҳисобга олиб, бутун республика бўйлаб кэнг қамровли ва замонавий телекоммуникация хизматларини тақдим этади. Компаниянинг асосий мақсади аҳоли, давлат идоралари ва ташкилотларини бутун Ўзбекистон бўйлаб энг замонавий ҳамда сифатли алоқа хизматлари билан таъминлашдир.



Компания аҳоли, бизнес, давлат идоралари, шунингдек Ўзбекистондаги оператор ва провайдерлар учун етакчи рақамли оператор бўлишга интилмоқда.

Хусусан, “Ўзбектелеком” АК тақдим этилаётган хизматлар сифатини янада яхшилаш, абонентлар сонини ошириш ва улар учун сифатли юқори тезликдаги интернет хизматини тақдим этишга қаратилган лойиҳаларни амалга ошириб келмоқда. Телекоммуникация тармоқларини модернизация қилишда мис алоқа линияларидан оптик толали алоқа линияларига ўтказилмоқда. Шу жумладан, бутун Ўзбекистон бўйлаб, шу жумладан, чекка ҳудудларда ҳам оптик тўлали алоқа линияларини қуриш ишлари жадаллик билан амалга оширилмоқда. Яратилаётган инфратузилма симсиз технологияларни, хусусан, юқори тезликдаги мобил хизматлар жадал суръатлар билан ривожлантириш учун асос бўлиб хизмат қилмоқда.

Компания учун анъанавий йўналишларда рақобатнинг кучайиши ҳамда республикада ҳозирги даврда кучли алоқа оператори мавқесини сақлаб қолиш ва мустаҳкамлаш шароитларида Компания янги бозорларни очиш ва инновация сервисларни ривожлантириб бормоқда.

Бугунги кунда Компаниянинг маҳаллий телекоммуникация тармоғи 100 фоизи рақамли ҳисобланади. Компания телекоммуникация тармоғини рақамлаштириш кўрсатилаётган телекоммуникация хизматлари сифатини юқори босқичларга кўтаришга имкон берди, мижозларга янги хизмат турларини тақдим этишни таъминлади ҳамда фойдаланувчилар кэнг доирасига Интернет тармоғига юқори тезликда уланишни ташкил этишга имкон берди.

2.4. “Ўзбектелеком” АКнинг халқаро муносабатлари

“Ўзбектелеком” АК алоқа операторлари тармоқларига тўғридан-тўғри халқаро чиқишларга эга бўлиб, чет эл операторларига трафик транзити бўйича халқаро операторлар ва компаниялар билан ўзаро ҳамкорлик қилади, деярли исталган сифимда халқаро рақамли каналларни ижарага беради.

Электр алоқаси соҳасида Минтакавий ҳамжамият операторлари кэнгаши таркибига киради, бошқа қатор халқаро ташкилотларда иштирок этади.



Компания халқаро алоқа операторлари билан ўзаро фаолият юритади, халқаро телекоммуникация лойиҳаларида иштирок этади, хорижий операторлар ва телекоммуникация ускуналарини ишлаб чиқарувчи компаниялар билан ҳамкорлик қилади.

Компаниянинг халқаро чегара олди ўтиш нуқталарини ташкиллаштириш бўйича олиб борган ишлари натижасида Компаниянинг телекоммуникация тармоғи куйидаги чегара олди давлатлари: Қозоғистон Республикаси, Туркманистон Республикаси, Тожикистон Республикаси, Қирғизистон Республикаси ва Афғонистон телекоммуникация тармоқлари билан уланиш нуқталарига эга бўлди. Мавжуд халқаро алоқа линияларини кэнгайтириш ва янгиларини қуриш бўйича ишлар олиб борилмоқда.

Компаниянинг Германия Федератив Республикаси, Гонконг махсус маъмурий ҳудуди ҳамда Россия Федерацияси ҳудудларида ташкил этилган ўтиш нуқталари орқали телекоммуникация операторлари билан алоқа каналларини ташкил қилиш ишлари амалга оширилмоқда.

Компания 15 та давлатнинг 30 дан ортиқ операторлари билан халқаро телефон каналларини ташкиллаштирган, халқаро операторлар билан телефон трафик алмашуви 4 та Халқаро коммутация маркази (ХКМ), Ўзбекистон Республикасида фаолият кўрсатаётган интернет провайдерларга халқаро интернет тармоғига уланиш хизматлари Халқаро пакетли коммутация маркази (ХПКМ) орқали амалга оширилмоқда.

2.5. “Ўзбектелеком” АК бўйича 2023 йилнинг асосий техник ва молиявий кўрсаткичлари

2023 йилда “Ўзбектелеком” АК нинг телекоммуникация тармоқларини янада ривожлантириш ва модернизация қилиш доирасида амалга оширилган лойиҳалар натижасида тармоқ инфратузилмаси янада кенгайди ва яхшиланди, жумладан:

- оптик толали алоқа линиялари узунлиги 60 000 км га етказилди;

- истъмолчиларга юқори тезликдаги маълумотлар узатиш тармоғига уланиш хизматини тақдим этиш мақсадида Халқаро пакетли коммутация марказининг қуввати 3 200 Гбит/с. га етказилди;
- магистрал транспорт тармоғининг умумий ўтказувчанлик қобилияти 70 Тбит/с дан оширилди;
- кэнг полосали қурилмалар сифими 4,0 млн. портга етказилиб, шундан xDSL - 849,4 минг, FTTx - 530,5 минг ва GPON - 2 620,1 минг портни ташкил этмоқда;
- аҳоли яшаш масканларини оптик алоқа линиялар билан қамраб олиш даражаси 95 фоиздан ва мобил алоқа тармоғи билан қамраб олиш даражаси 91 фоиздан оширилди;
- маълумотларни сақлаш ва қайта ишлаш маркази қуввати 11,2 Пбайт га етказилди.

“ЎЗБЕКТЕЛЕКОМ” АҚНИНГ 2024 ЙИЛДА РИВОЖЛАНИШ СТРАТЕГИЯСИ ВА АМАЛГА ОШИРИЛАДИГАН ИНВЕСТИЦИЯ ЛОЙИХАЛАРИ

3.1. “Ўзбектелеком” АҚ томонидан 2024 йилда телекоммуникация тармоқларини қайта қуриш ва ривожлантириш бўйича амалга ошириладиган инвестицион лойиҳалари ҳақида маълумот

Ўзбекистон Республикаси Президентининг 2020 йил 5 октябрдаги “Рақамли Ўзбекистон — 2030» Стратегиясини тасдиқлаш ва уни самарали амалга ошириш чора-тадбирлари тўғрисидаги ПФ-6079-сон фармони, Ўзбекистон Республикаси Президентининг 2019 йил 22 майдаги “Ўзбекистон Республикаси Аҳоли пунктларида телекоммуникация инфратузилмасини жадал ривожлантириш чора-тадбирлари тўғрисида”ги ПҚ-4329-сон қарори ва бошқа Ҳукумат қарорларига мувофиқ “Ўзбектелеком” АҚ томонидан 2024-2026 йиллар мобайнида тармоққа янги технологияларни киритиш, янги хизмат турларини жорий этиш ва даромадларни ошириш, шунингдек, магистрал, мобил тармоғини, зонаичи ва маҳаллий тармоқларни ривожлантириш, реконструкция қилиш ва захиралаш бўйича бир қатор аҳамиятли тадбирлар режалаштирилган.

“Ўзбектелеком” АҚ томонидан 2023-2025 йилларда Инвестиция дастурлари доирасида барча молиялаштириш манбалари ҳисобидан жами 597,5 млн. АҚШ доллари миқдорида инвестицияларни ўзлаштириш режалаштирилган, шундан 2024 йилда 296,9 млн. доллар. Жумладан:

- “Маълумотларни сақлаш ва қайта ишлаш марказларини (Дата-центр) ташкил этиш” лойиҳасини амалга ошириш;
- “Ўзбектелеком” АҚ халқаро пакетли коммутация марказларини кенгайтириш” лойиҳасини амалга ошириш;

- “Ўзбектелеком” АК телекоммуникация транспорт тармоғи ва маълумотлар узатиш тармоғини кэнгайтириш” лойиҳасини амалга ошириш;
- “Ўзбектелеком” АКнинг телекоммуникация инфратузилмасини шарқий минтақада янада ривожлантириш” лойиҳаси ни амалга ошириш;
- “Ўзбектелеком” АКнинг телекоммуникация инфратузилмасини ғарбий минтақада янада ривожлантириш” лойиҳаси ни амалга ошириш;
- “Ўзбектелеком” АКнинг оптик толали алоқа линиялирини қуриш” лойиҳасини амалга ошириш;
- ижтимоий аҳамиятга эга “Ўзбектелеком” АК Телекоммуникация тармоқларида давлат ва жамоат хавфсизлигини таъминлаш”, “Туризм зоналарини телекоммуникация хизматлари билан таъминлаш ва Wi-Fi зоналарини ташкил этиш”, Республика ҳудудида “Хавфсиз шаҳар” тизимини жорий этиш, кўп қаватли уйларгача телекоммуникация тармоқларини етказиш каби бир қатор лойиҳаларни амалга ошириш режалаштирилмоқда.

Лойиҳани амалга ошириш натижасида 2023-2025 йилларда:

- Бухоро, Қўқон ва Тошкент шаҳарларида телекоммуникация инфратузилмасининг умумий сиғими 100 Петабайтдан кам бўлмаган маълумотларни сақлаш ва қайта ишлаш марказлари ташкил этилади;
- ташқи Интернет каналининг ўтказувчанлик қобиляти 4200 Гбит/сга кэнгайтирилади;
- “Ўзбектелеком” АК телекоммуникация транспорт тармоғи тезлиги 52 Тбит/с дан 60 Тбит/с га етказилади;
- шарқий ҳудудларда:
- 378 та объектларда 3G/4G база станцияларини ўрнатилади;
- 973 та мавжуд 3G/4G стандартидаги объектларни модернизацияланади ва кэнгайтирилади;
- 583 та объектларда 5G база станциялари ўрнатилади;
- Тошкент – Сирдарё йўналишидаги темир йўлларида мобил алоқа камрови яхшиланади;
- 290 та ораликда (пролет) радиореле қурилмаларини ўрнатилади;
- 1 млн. актив абонентга мўлжалланган янги vIMS (VoLTE) тизими ўрнатилади;
- мавжуд 16 та маршрутизаторлар кэнгайтирилади, янги 8 та коммутатор, Интернет каналига чиқиш учун янги 2 та 200 Гбит/с тезликка мўлжалланган Firewall қурилмаси ўрнатилади;
- 51 000 дан ортиқ кэнг полосали тармоқ портлари ўрнатилади;
- магистрал транспорт тармоғи ва маълумотлар узатиш тармоғи ўтказувчанлик қобиляти кэнгайтирилади;
- маълумотларни сақлаш тизими кэнгайтирилади;
- IMS тизими кэнгайтирилади, шу жумладан: 10 000 та H.248 типдаги (протокол) абонентга мўлжалланган, SIP абонентлар сонини 200 000 гача кэнгайтирилади, ҳамда қўшимча SBC қурилмаси билан таъминланади;

- ғарбий ҳудудларда:
- 286 мингдан ортиқ кэнг полосали тармоқ портлари қурилади,
- 150 минг фойдаланувчига тэнг IPTV/OTT платформаси модернизация қилинади;
- 1 580 та объектларда база станцияларини ўрнатилади;
- 1 771 та мавжуд объектларда база станциялари модернизацияланади ва кенгайтирилади;
- 55 та мавжуд объектларда 5G стандартидаги база станциялари ўрнатилади;
- 760 та ораликда (пролет) радиореле қурилмалари ўрнатилади;
- 40 тўплам қуёш-дизел муқобил электр станциялари ва 210 та дизел генераторлари ўрнатилади.

Лойиҳаларни Компаниянинг ўз маблағлари, жалб қилинадиган кредит маблағлари ва Ўзбекистон Республикаси ахборот-коммуникация технологияларини ривожлантириш жамғармаси маблағлари ҳисобидан амалга ошириш режалаштирилмоқда.

2024 йил давомида 60 минг км оптик-толали алоқа линияларини қуриш режалаштирилган.

Мазкур инвестиция лойиҳаларнинг амалга оширилиши натижасида қуйидаги мақсадларга эришилади:

барча турдаги фойдаланувчилар учун юқори тезликдаги Интернет тармоғига уланиш имконияти яраталади;

олис ва қишлоқ жойларида юқори тезликдаги мобил алоқа қамрови кэнгайтирилади;

рақамли ривожлантириш ва интерактив давлат хизматларини кўрсатиш ҳами ортади ҳамда сифати яхшиланади;

Ўзбекистон Республикасининг соҳа бўйича халқаро индекслардаги кўрсаткичларининг яхшиланишига эришилади.

3.2. Қутилаётган хавф хатарлар (риск) ва уларни олдини олиш

Бозор иқтисодиёти шароитида барча хўжалик юритувчи субъектлар турли ноаниқликлар ва хавф хатарларга дуч келгани каби, телекоммуникация хизматлари бозорида ҳам қатор хавф хатарлар мавжуд ва уларни олдини олиш ва корхоналар фаолиятига уларнинг таъсирини имкон қадар камайтириш чораларини кўриш долзарб ҳисобланади.

Телекоммуникация корхоналари фаолиятига сиёсий вазият, иқтисодий аҳвол, қонунчилик асоси, халқнинг ижтимоий-маданий савияси, тармоқларнинг илмий-техник даражаси, табиий, иқтисодий шароит ва бозорнинг ўзига мос таркиби, яъни конъюктураси таъсир кўрсатади.

Компания фаолияти давомида хўжалик хавф хатарларнинг қуйидаги турлари бевосита таъсир қилади:

- ишлаб чиқариш (об-хаво, техник, технологик, тақсимлаш, ташкилий, кутилмагандаги ўлим хавфи, бошқарув ва бошқалар);
- даллолчилик (даромадни тўғридан-тўғри йўқотиш хавфи, бевосита пулни йўқотиш ва мулкий зарар кўриш хавфи, фуқаролик жавобгарлигининг пайдо бўлиш хавфи ва бошқалар);
- тижорат (маҳсулот етказиб бераолмаслик хавфи, маҳсулотни сота олмаслик хавфи, йўқотиш хавфи ва бошқалар);
- молиявий (кредит, мулкий, суғурта, валютавий, депозит, нархга боғлиқ бўлган ноликвидлилик, иқтисодий, таваккалчилик устамаси ва бошқалар);
- инновацион (ижтимоий, илмий техника тараққиёти натижаларини жорий қилиш билан боғлиқ бўлган таваккалчилик).

“Ўзбектелеком” АК томонидан барча юзага келадиган хавф хатарларни олдини олиш мақсадида 2 та йўналишда тегишли ишлар олиб борилади:

1. Таваккалчилик фаолиятида мавжуд хавф-хатарларни ва унинг натижасида эҳтимолли йўқотишларни олдини олиш учун суғурталаш механизмидан фойдаланилади. Ушбу мақсадлар (бино-иншоотлар, автотранспорт воситалари, ходимлар суғуртаси ва бошқалар) учун 2023 йилда 3,2 млрд. сўм миқдоридаги маблағ сарфланиши режалаштирилган.

2. Суғурта қилишни талаб этмайдиган хавф хатарлар борасида қуйидаги ишлар амалга оширилиши режалаштирилган:

- тижорат фаолиятига доир хавф-хатарлар бўйича молиявий фаолият кўрсаткичлари нисбатини тўғри аниқлаш ва сақлаб бориш, инвестицияларнинг рентабеллигини оширадиган усулларни излаб топиш;
- ресурсларни ноўрин тақсимлаш хавф-хатари бўйича кўрсатиладиган телекоммуникация хизматлари ҳажмидан келиб чиққан ҳолда ресурсларни тақсимлашда устувор йўналишларни аниқ белгилаб олиш;
- иқтисодий беқарорлик ва талабнинг ўзгариши хавф-хатари бўйича доимий равишда таҳлил ишларини олиб бориш ва бозор конъюктурасидан келиб чиққан ҳолда тасдиқланган режаларга ўзгартиришлар киритиб бориш;
- молиявий хавф-хатарлар бўйича маблағларни моҳирлик билан ишлатиб бориш, пассив маблағларни фойда келтирадиган лойиҳаларга жойлаш ёки банкларга депозитга қўйиш.

4. ТЕЛЕКОММУНИКАЦИЯ БОЗОРИНИНГ АСОСИЙ ТЕНДЕНЦИЯЛАРИ ВА МУАММОЛАРИНИ БАҲОЛАШ

4.1. Телекоммуникация бозорига таъсир кўрсатувчи омиллар ва трендлар

Бугунги кунда Республикадаги телекоммуникация бозори ўзининг ижобий ва салбий томонлари билан юзага келди, бозор эҳтиёжлари аниқланди, телекоммуникация хизматлари фойдаланувчиларининг истеъмол ҳажми шаклланди. Хусусан, бозорга қуйидаги омиллар таъсир кўрсатади:

Мамлакатдаги интернет истеъмоли кун сайин ортиб бормоқда ва фойдаланувчилар томонидан борган сари кўп трафик сарфланмоқда. Статистика маълумотларига кўра, 2010 йилдан 2023 йилгача Интернет фойдаланувчилари сони 6 баробар (5,5 млн.дан 32 млн.гача) ошди ва бу кўрсаткич ўсишда давом этмоқда. Бу даврда Интернетнинг кириб келиши ҳам (ёйилиши, тарқалиши) 20 %дан деярли 90% гача ошди. Фойдаланувчилар томонидан трафик истеъмолининг кун сайин ортиб бораётганини ҳисобга олиб, ташқи канални кэнгайтириш зарурияти муҳим масала бўлиб қолмоқда.

Бундан ташқари халқаро кўнғироқлар фойдаланувчилари кўнғироқларни амалга ошириш учун чет ишлаб чиқарувчиларининг мобил дастурларидан фойдаланмоқдалар, бу эса Интернет канали юкланишининг ортиши ва анъанавий телефония трафигининг пасайиши орқали халқаро кўнғироқлардан даромаднинг камайишига олиб келмоқда.

4.2. Режалаштирилган кўрсаткичлар ва уларга эришиш шартлари

Бизнес-режада 2024 йилда Компаниянинг тўғридан-тўғри тижорат фаолияти орқали даромадларни янада ошириш чораларини кўриш режалаштирилган. Хусусан,

1. Интернет абонентлари сони 2,4 млн.тага, мобил алоқа абонентлари сонини 8,4 млн. тага етказиш мақсад қилиб олинган.

2. Ҳозирги кунда Интернет абонентлари сони 1,9 млн., мобил алоқа абонентлари сони 7,6 млн. ни ташкил этади.

4.3. Режалаштирилган тадбирлар

Сўнгги йилларда Компания томонидан амалга оширилаётган реклама тадбирлари Компаниянинг брендлари имиджини ошириш, янги хизмат турлари ва тариф режаларни кэнг оммага етказишга йўналтирилган эди.

2020 йилдан бошлаб Республика телекоммуникация хизматлари бозорида Компаниямиз барча спектрдаги телекоммуникация хизматларини ягона савдо белгиси UZTELECOM™ остида кўрсатиб келинмоқда.

Компания хизматларининг B2B/B2G бозорларига кириб бориш даражасининг пастлиги, шунингдек бу бозорларнинг катта салоҳиятга эга эканлигини ҳисобга олиб, ушбу йўналишларда фаолиятни кучайтириш режалаштирилган. Жумладан:

1. B2B/B2G сотувларида менеджерлар иштирокини ошириш, уларни жалб қилиш мақсадида сифатли ва юқори даромад келтиришга қаратилган махсус рағбатлантириш дастурини яратиш;

2. Техник тадқиқотлар ва уланишлар бўйича жараёнларни оптималлаштириш масалалари доирасида Компаниянинг ички тартиб-қоидаларини кўриб чиқиш. Жумладан, қисқа муддатларда “охирги мил”ни ташкиллаштириш бўйича прогноз ва кейсларни максимал самарали ҳисоблашга, қаттиқ “кейс” ёндашуvidан келиб чиқиб абонентларни улашни ва уларга техник хизмат кўрсатиш муддатларини қисқартиришга қаратилган тартиб ва регламентларни ишлаб чиқиш.

Юқорида санаб ўтилганларнинг барчасини амалга ошириш, B2B/B2G сегментини 90% қамраб олиш имконини беради.

B2C бозори учун мавжуд сотув каналларини кўриб чиқиш кўзда тутилган, шу қаторда жаҳон тажрибасидан келиб чиқиб ташқи сотув каналларини яратиш, хусусан қуйидагилар режалаштирилган:

1. B2C бозорида иштирокчилар орасида рақобатнинг юқорилигини ҳисобга олиб, рақобатбардош тариф режалари ва таклифларни ишлаб чиқиш, шунингдек абонентларга хизмат кўрсатиш сифатини ошириш.

2. Тижоратда менеджерлар иштирокини ошириш, уларни жалб қилиш мақсадида сифатли ва юқори даромад келтиришга қаратилган махсус рағбатлантириш дастурини яратиш.

Шунингдек, айни вақтда бозорда Компаниянинг телекоммуникация хизматларини кўрсатувчи оператор сифатида абонентларга хизмат кўрсатиш даражасини ошириш мақсадида қуйидаги чораларни амалга ошириш, хусусан:

1. Абонентларнинг хизмат кўрсатиш сифатидан қониққанлигини аниқлаш мақсадида бозор тадқиқотларини ўтказиш, Компаниянинг заиф томонларини аниқлаш, Компаниянинг телекоммуникация хизматларини кўрсатувчи оператор сифатида истеъмолчиларга тавсия этиш ва хизмат кўрсатишга тайёр эканлигини аниқлаш.

2. Тадқиқотлар натижасида олинган маълумотларни таҳлил қилиш, хизмат сифатини яхшилаш чора-тадбирларини ишлаб чиқиш, Компаниянинг заиф томонларини оптималлаштириш ва кучли томонларини кадрият сифатида шакллантириш.

3. Тасдиқланган режага мувофиқ ишларни амалга ошириш ва пост-таҳлил ўтказиш.

Тижорат учун кэнг кўламли мақсадларни ҳисобга олган ҳолда, бюджет кўрсаткичларининг жорий ҳисоботини ва мониторингини қайта кўриб чиқиш керак бўлади, шу ўринда ҳисобот даврида бошқаришнинг мослашувчан қобилияти маълум бир кўрсаткичга йўналтирилган режаларни сифатли бажаришга қаратилган рағбатлантириш тизимини яратиш талаб этилади.

4.4. Маҳаллий операторлар билан муносабатлар

Компания республикада телекоммуникация хизматларини тақдим этувчи мобил алоқа операторлари ва интернет провайдерларга шартномалар асосида хизмат кўрсатмоқда. Уларга интернет тармоғига уланиш, тармоқлараро уланиш (интерконнект), транспорт тармоқларини ижарага бериш, Uz-IX ва Tas-ix тармоқларига уланиш ҳамда бошқа турдаги телекоммуникация хизматларини тақдим этмоқда.

Жумладан, 2023 йилда Ҳалқаро пакетли коммутация маркази (ХПКМ) га уланган оператор ва провайдерларга ажратилган тезлик 1 687 700 Мбит/с дан 2 093 500 Мбит/с га етказилиб, 405 800 Мбит/с га оширилди. 2024 йилда эса 2 093 500 Мбит/с дан 2 860 950 Мбит/с етказиш режалаштирилган.

5. КОМПАНИЯНИ ТЕЛЕКОММУНИКАЦИЯ ТАРМОҒИНИНГ ТЕХНИК ЭСПЛУАТАЦИЯСИ ВА МОДДИЙ РЕСУРСЛАРИ

5.1. 2024 йилда Компания телекоммуникация тармоқларини меъёردа сақлаш учун моддий ресурслар базаси

“Ўзбектелеком” АК ўз даромадларини, ишлаб чиқариш самарадорлиги ҳамда кўрсатилаётган хизматлар сифати ва ҳажмини янада ошириш мақсадида телекоммуникация тармоқларида линия кабел хўжалигини техник меъёрга келтириш, телекоммуникация қурилмаларини узлуксиз ва барқарор ишлашини таъминлаш бўйича, қурилмаларга техник сервис хизматларини кўрсатишни йўлга қўйиш, дизел-генератор, аккумулятор батареялари ва муқобил электр энергия манбаларини ўрнатиб ишга тушириш ҳамда аҳоли масканларини юқори тезликдаги телекоммуникация хизматлари билан қамраб олиш даражасини янада ошириш ишлари режага асосан амалга оширилиши белгиланган.

“Ўзбектелеком” АК телекоммуникация тармоқларида станция иншоотларининг узлуксиз ва барқарор ишлашини таъминлаш ҳамда линия-кабел хўжалигини техник меъёрдa сақлаш ва кўрсатилаётган хизматлар сифатини янада яхшилаш мақсадида 2024 йилда:

- маҳаллий телефон тармоғининг линия-кабель хўжаликларини техник меъёрларга келтириш мақсадида 2 500 та ТЖлар, 40 000 та ЯКГ/КРТлар,

4000,0 км абонент кириш симлари, 4000,0 км ҳаво алоқа линиялари, 14 000 та телефон қудуқлари, 30 000 та алоқа устунлари, 1 200 та ОТЖлар, 2 500 та FTTx жавонлар, 10 000 та сплиттер қурилмалари ҳамда 2 000,0 км оптик абонент кириш симлари жорий таъмирланиши ва профилактика қилиниши;

- кўрсатилаётган телекоммуникация хизматлари сифатини янада ошириш, тармоқни ривожлантириш мақсадида 9000,0 км UTP/FTP, 6 500,0 км П-274/ПКСВ/ТРБН симлари ҳамда 60 000 км оптик абонент кабеллари;

- линия кабель хўжаликларни техник меъёрларга келтириш ва таъмирлаш учун 3000 дона телефон люклар (қопқоқлар билан), 500 дона алоқа устунлари ҳамда телефон қудуқларда ўткан кабелларни бутлигини таъминлаш мақсадида 2 000 дона қулфланадиган қапқоқлар;

- телекоммуникация тармоғининг алоқа линияларига техник хизмат кўрсатаётган ходимлар учун зарур ўлчов ва техник воситалари жумладан, 600 та иш қуроллари, 300 та Рефлектометр, 600 та Оптик пайвандловчи ускунаси, 600 та Тестерлар ва 500 та измеритель заземления;

- телекоммуникация қурилмаларининг узлуксиз ва барқарор ишлашини таъминлаш мақсадида муқобил электр энергия манбаларини ўрнатиб ишга тушириш, ДГА ва аккумулятор батареялари ҳамда климотехника ускуналари, кучланиш кабеллари ва ТПлар;

- телекоммуникация тармоғида эксплуатация билан боғлиқ масалаларни ҳал этиб бориш ҳамда давлат аҳамиятига эга турли тадбирни юқори савияда ўтказилишини таъминлаш мақсадида, аввалги йиллар тажрибасидан келиб чиққан ҳолда зарурий телекоммуникация қурилмалари ва махсулотлари харид қилиниши режалаштирилган.

Шунингдек, Компания телекоммуникация тармоғида эксплуатация қилинаётган қурилмаларнинг узлуксиз ва сифатли ишлашини таъминлаш мақсадида қурилмаларга техник сервис хизматларини кўрсатиш бўйича шартномалар тузиш учун маблағлар ажратилиши режалаштирилган.

6. “ЎЗБЕКТЕЛЕКОМ” АҚ МЕҲНАТ РЕСУРСЛАРИ

6.1. Компанияда меҳнат ресурсларига эҳтиёж ва уларнинг мавжудлиги

2024 йилда Компания бўйича ўртача ходимлар сони 18 142 тани ташкил этиб, 2023 йилга нисбатан 1 016 тага кўп режалаштирилган.

Янги технологиялар билан ишловчи малакали мутахассисларни жалб этиш ва ишловчи ходимларни сақлаб қолиш, ходимлар турмуш даражасини мунтазам ошириш мақсадида Компания бўйича иш ҳақи фондининг ўсиш суръати 11 фоиз, 2023 йил якунларига кўра ўртача ойлик иш ҳақи 9 125.8 минг сўмга етказилади, ўсиш суръати 8 фоизни ташкил этади.

6.2. Кадрларга қўйиладиган талаблар, уларни ўқитиш зарурияти ва ўқитишни ташкил этиш

“Ўзбектелеком” АК фаолиятини янада ривожлантириш, унинг истиқболини белгилашда малакали кадрлар билан таъминлаш ҳамда кадрларни тайёрлаш, қайта тайёрлаш ва малакасини ошириш мақсадида, республикамиз ва ҳориждаги жаҳоннинг энг илғор фан ва технологиялари ютуқларини ва замонавий технологияларини жорий қилган етакчи олий таълим муассасалари ҳамда малака ошириш марказлари билан мунтазам равишда ҳамкорлик йўлга қўйилган.

Ушбу йўналишда олиб борилаётган тадбирларни давом эттириш мақсадида, 2024 йилда 9 438 нафар Компания ходимларининг малакасини ошириш режалаштирилган бўлиб, 3 399,8 млн сўм маблағ сарфланиши кўзда тутилмоқда.

Шу жумладан:

- Ўзбекистон Республикаси Президенти ҳузуридаги Давлат бошқаруви академиясида - 2 нафар;

- Ўзбекистон Республикаси Вазирлар Маҳкамаси ҳузуридаги Бизнес ва тадбиркорлик олий мактабида - 11 нафар;

- Муҳаммад ал-Хоразмий номидаги Тошкент ахборот технологиялари университетида - 1 нафар;

- Ҳорижий ўқув муассасаларида - 8 нафар ходимларни мақсадли тайёрлаш;

- Ўзбекистон Республикаси Вазирлар Маҳкамаси ҳузуридаги Бизнес ва тадбиркорлик олий мактаби, Фавкулотда вазиятлар вазирлиги қошидаги Фуқаро муҳофазаси институти, Ўзбекистон Республикаси Марказий давлат архиви, ВеРго - дастурчилар ўқув маркази, Ўзбекистон Республикаси Адлия вазирлиги қошидаги юристлар малакасини ошириш ўқув маркази, Ўзбекистон Республикаси Альпинистлар Федерацияси, Ўзбекистон бухгалтер ва аудиторларнинг ўқув курси (“АССА ДипИФР”), Республика шошилиш тиббий ёрдам ўқув маркази ҳамда хорижий ва республикамиздаги бошқа малака ошириш ўқув марказларининг қисқа муддатли ўқув курсларида ходимлар малакасини ошириш режалаштирилган.

Шунингдек, компания ижроия аппарати, филиал ва корхоналарида махсус ўқув дастурлар, турли семинарлар, конференциялар, техник ўқув машғулотлар ўтказилиши ҳамда раҳбар кадрлар захирасига киритилган номзодларнинг амалий тажрибасини ва малакасини ошириш белгиланган.

7. МОЛИЯВИЙ-ИҚТИСОДИЙ КЎРСАТКИЧЛАР

7.1. Компаниянинг асосий фаолиятидан олинган даромадлари

Компания бўйича 2024 йилда **асосий фаолиятидан 9 817,5** млрд. сўм миқдорида даромад олиниши кўзда тутилган бўлиб, бу кўрсаткич 2023 йилга нисбатан 23 фоизга кўпдир.

Натижада **жами даромадлар 10 209,0** млрд. сўмни ташкил этиб, ўсиш суръати **20** фоиздир.

ИЛОВА

“Ўзбектелеком” АК молиявий натижалари (млн сўм)



№	Кўрсаткич номи	2023 йил кутилаётган	2024 йил учун режа	Ўсиш суръати, %
10	Маҳсулот (товар, иш ва хизмат) ларни сотишдан соф тушум	7 981 475	9 817 545	123%
20	Сотилган маҳсулот (товар, иш ва хизмат) ларнинг таннари	5 505 063	6 646 755	121%
30	Маҳсулот (товар, иш ва хизмат) ларни сотишнинг ялпи фойдаси (зарари)	2 476 412	3 170 790	128%
40	Давр харажатлари, жами	1 626 561	1 918 337	118%
50	Сотиш харажатлари	592 866	681 709	115%
60	Маъмурий харажатлар	480 470	589 800	123%
70	Бошқа операцион харажатлар	553 225	646 829	117%
90	Асосий фаолиятнинг бошқа даромадлари	168 958	69 576	41%
100	Асосий фаолиятнинг фойдаси (зарари)	1 018 808	1 322 028	130%
110	Молиявий фаолиятнинг даромадлари, жами	345 917	321 894	93%
120	Дивидендлар шаклидаги даромадлар	832	1 407	169%
130	Фоизлар шаклидаги даромадлар	378	226	60%
150	Валюта курси фарқидан даромадлар	344 707	320 261	93%
160	Молиявий фаолиятнинг бошқа даромадлари	0	0	
170	Молиявий фаолият бўйича харажатлар	1 321 578	1 591 183	120%
180	Фоизлар шаклидаги харажатлар	339 441	649 188	191%
190	Узоқ муддатли ижара (молиявий лизинг) бўйича фоизлар шаклидаги харажатлар	14 773	11 868	80%
200	Валюта курси фарқидан зарарлар	938 154	919 376	98%
210	Молиявий фаолият бўйича бошқа харажатлар	29 211	10 752	37%
220	Умумхўжалик фаолиятининг фойдаси (зарари)	43 147	52 739	122%
240	Даромад (фойда) солиғини тўлагунга қадар фойда (зарар)	43 147	52 739	122%
250	Даромад (фойда) солиғи	13 404	15 310	114%
260	Фойдадан бошқа солиқлар ва йиғимлар	0	0	
270	Ҳисобот даврининг соф фойдаси (зарари)	29 744	37 429	126%